

樵李東晉氏圖冊合刻

書籤

師竹邨



03589

天 津 特 別 市

市 立 第 二 圖 書 館

03589




天津特別市市立第二圖書館

28-10.5,000



樵李曹氏圖冊



合刻 倪文蔚題



光緒癸未冬

開雕於桂林

松風舞鶴圖題辭

黃安濤

霽青

九曲溪頭破屋存  
茯苓歲久長松根  
三株都作龍鱗老  
猶見先生七世孫

蒼蒼喬木鬱風煙  
想見清門世澤延  
華表依稀聞鶴語  
可知丁令是神僊

程夢麟

聽溪

丁令僊遊聞鶴唳  
陶公歸隱撫龍鱗  
伊誰寫出清癯叟  
二百年前自在身

舞鶴圖題辭

迎旭齋

傳家祇藉舊青鐙  
奕世還思祖武繩  
手澤尙留宜世守  
珍如片玉付雲仍

張廷濟

叔未

前紀停雲後實君  
九旬耆老有遺聞  
今看壽者有真相  
合把名香一炷焚

百年老屋長青苔  
聞說青溪曲幾回  
猶有穉松雛鶴在  
遺書一卷付雲來

胡文瑞

君家陰德史策彰  
積厚流光世代昌  
復挺先生富著作



巍哉道貌壽而康周甲之年子濟美大寶又蒙特舉鄉  
天倫之樂難言罄繪圖不使奕禩忘丁令化身命寫眞  
歲寒故我同長春國改敝廬仍守舊圖遺文孫等藏珍  
至君七葉更裝拓孝心感發抑何純雙鶴翩翩宛寄語  
三松環繞抵靈椿更望仍雲各寶守勝如貴玉而賤珉

朱聲五

聽魚

幽栖久羨枕鴛湖此日還欣展畫圖幾本殘松一聲鶴  
天倫聚首足歡娛

獨慨儂家放鶴洲洲前無復綠陰稠  
舞鶴圖題辭  
二  
迎旭齋

猶見先生德澤留

馬

汾  
澹于

虬枝橫碧正濤聲怒吼招來雲鶴天與仙翁耽小隱周  
甲筵開清酌道闕邱園情怡山水自有閒居樂故家喬  
木最憐蝸舍鄰托

寒家居同里  
開幾二百年

迢迢二百餘年青箱

代守圖畫更番拓勝國衣冠重展拜紙上煙雲猶昨丁  
令歸來草堂無恙那用看城郭夜寒飈起似聞檐際吹  
落

百字令

沈維鏞

鼎甫



彷彿天台橋畔見三株松作老龍鱗吾耒耆舊傳誰補  
喬木森森式後人

蒼松不似人頭白寒翠依然照古苔歲久虬枝皆屈鐵  
定教千歲鶴歸來

鮑清植

春葉

披圖笑貌自依然惜我遲生二百年不及庭前老松樹  
衣冠親見古神仙  
千秋遺蔭鬱葱葱莫道緱山鶴影空寄語主人好護惜  
子孫留與作三公

舞鶴圖題辭

高蘭

三

迎旭齋

解帶彈琴處踈松映薜蘿圖中見眞士世外養天和  
元鶴不慕輪軒綠野獨耽邱壑放歌崑閬揚音中有稚  
川老屋  
過眼雲烟二百年故家喬木尙蒼然畫圖也與名山壽  
珍重遺芬守後賢



圖係駱翔章素臣兩先生爲河八世祖仰溪公合作者

也公姓曹氏武惠王二十七世孫諱景嵐字仰溪嘉興

府學生貢入成均舉鄉飲賓生於嘉靖二十二年癸卯

歿於崇禎五年壬申子二長諱鳴雷字聲之次卽河七

世祖諱中暘字仲睦嘉興廩膳生考授學博舉鄉飲大

賓圖誌壬寅是萬厯三十年爲公花甲初週諒取松鶴

常春之義歟河先世居感化都正天字墟曹家堰後分

居角里街蒯搭坊宅後臨九曲溪堂曰松風具林泉之

勝有小盤谷快讀齋桐堦竹徑梵誦樓可棲遲諸景迄

松風舞鶴圖跋四迎旭齋

今荒園敗屋零落僅存所圖青松猶幸三峯葱茂今夏

偶檢舊笥得展斯圖不勝先澤留貽之感爲敬裝之

而畧述其顛末云

道光十六年歲次丙申夏日八世孫河謹識

右圖已奉崙川大叔父裴卷跋尾徵諸名士題詠

矣同時霖又檢得藍田叔先生山水畫幅其詩云炎

威迫塵寰山深喜無擾鳴笳悲滿城清溪聽啼鳥鄰

叟新釀香留我林下飽任他平地波粗餐安枕好欸

識庚寅梅雨主人留予松風堂畫并題志以時序攷



之庚寅是順治七年主人係霖七世祖 恩貢士諱

文昭字子琛迴憶萬厯壬寅作圖時又一景像矣是

不可以不識作霖附記

去歲六月命城見回浙鄉試並囑其來粵時將家藏

圖冊卷軸敬謹帶出茲當寓齋春雨閒寂無人發笥

開函竊喜 先人手澤雖迭經兵燹而完好猶新幾

若有呵護之以待予小子之纂輯成帙者也用特次

第鈔錄付諸梓以永其傳

光緒九年歲在癸未孟陬之月裔孫咸熙謹識

松風舞鶴圖

跋

五

迎旭齋

昔年同遊文及... 夫人手澤雖迭經兵燹而完好猶新幾  
國州卷軸敬謹帶出茲當寓齋春雨閒寂無人發笥  
去歲六月命城見回浙鄉試並囑其來粵時將家藏  
不可以不識作霖附記  
去與貧最顯故小半主人... 子母顯恩貢士



授經教子圖題辭

毛一駒

天選

名震叔通久薪傳遞一門校讎勞祖父質辨聽兒孫簾  
滿金何用藏多墨耐存繪圖寬作幅好續後來昆

錢

載

籀石

六學漢析分甘露逮建初鴻生訟師法父子或異閭蕃  
滋盛支葉踐作祿利塗孝成發秘藏古義宏舊書內學  
濫通故東京寢煩紆傳業數

上聲

家世頗聞平

當伏理

徒矧維國師公領校先後俱紛曉閱晉宋貞觀宗一趨

教子圖題辭

一

迎旭齋

疇採歐陽言緯候蒙芟鋤東南諸老翁是正何區區然  
當帖誦變已慨家法虛微言重師授往哲嘗譜厝縱不  
學官立獨抱還樹模 先生古心貌被素儼山癯石倉  
家故有鉛筆懷匪口昂子舉孝廉多文美璫璵琴箏諧  
五典松竹清陋廬淵淵鄭口學堂楠千秋扶伏氏冠兩  
京相襲爲名儒元成脩父業踵登丞相輿沛郡起桓君  
累世尤顯譽經明揮霍裕實勝榮利祛獲心苟深造雖  
窮又安須

至尊柄儒術高才率操觚雍容異同論旦晚膺時需生



非荅卹律我腹庫藏殊拾唾慚教授忍飢老菰蘆遼哉  
探道眞達者其先驅

侯嘉縉

蕉蜨

味經含道妙譚者領其微蝸廬不盈丈消息透重帷漢  
家奉師法勾稽存是非塵義一寧豁奧旨窺指歸自從  
意解眩迷罔如測圭星辰渺不辨天象無端倪 遺經  
久剝蝕諸子紛駢羅空中行日月地上流江河先生隱  
湖涖金石聲鏗摩手腕靈勿閔元髮漸以皤顧視青雲  
器指點山陂陀 一堂春氣融琴聲和且靜惠風相與  
教子圖題辭

二

迎旭齋

蘇落花繡衣領書影迴靈虛章次別繁整授者不盡言  
受者自忘寢微笑坼庭柯變滅雲峯頂 昔我讀書處  
乃在西湖濱湖樓對松月時時見古人如公父子希密  
意常相親提綱復鉤妙元解無封塵天和善頤養花下  
追昔因一落漁陽却荏苒拋三春 喜聞驥子來騎驢  
走問訊啟居憶文籍元草應已定發篋見此圖刪述收  
眾正紛綸貫經部瑩徹師人鏡卷席涵古香潰圍出巨  
刃樂哉稽古榮一稟先生命

趙金簡

玉書



漢儒重專門一經貽子孫東西茂文獻炎季音節錄魏  
武雄六籍老氣橫乾坤陳思難兄弟馳藻並中原膏澤  
發芳潤紛綸樹本根鼓吹既絕響文采今誰存石倉空  
蠹簡疏詁餘千緡秀州有逸老薪火傳朝昏得味棄糟  
粕尙友追精魂日月埽雲翳江河會水原功名亦不薄  
道義何其尊黃金賤如土青簡邈無言世世父書讀指  
示俾討論作圖勗華實下筆逃籬藩

聖朝崇博士甯復終邱園

王又曾

穀原

教子圖題辭

三

迎旭齋

典籍出人間廓然漢儒力專門各命氏罕儷康成特建  
武迄建初異議屢興革詭曼紛根芟吾道莠而棘朱

秦延君

狂注解徒貽局明忒甚者狗榮祿持作甲科弋

故知古學盛必秉家世則庶幾橋

仁滿昌

徒賢聖仗羽

翼秘藏不久薶河平詔親敕父子領校同鴻生未之或

熊熊太乙藜萬古光不熄降自晉唐宋箋疏益蕃殖正

義縱宜昭識緯塗尙塞所以大儒生是正出胸臆先

生擁萬卷身作蠹魚蝕鐙前白頭鬚揩眼細字識巾箱

力謄抄歲讀期必刻傳經伏生能教兒謝公亟箕裘視



書倉如農服先穡長盛宏前規少翁衍世德旦晚窮根源  
邈覩興衆式叩以五十難剖析日遑晷齒冷官祿勸  
欲免可得方今重內學六藝罔黷踣溫室羅羣書實  
待手拂拭矧茲傳業在得弗藉潤色偉哉經神名負與  
金石勒生慙戴侍中座鮮重席飾探道恥章句雅復愛  
盧植庶竊鯉庭訓解我異同惑

吳光華 縵雲

吾生不獲趨庭聞六籍微言誰與剖河原海委未能窮  
安能落筆蛟螭吼空持寸璧易連城孰把千金買敝帚  
教子圖題辭

四

迎旭齋

昨者青冥垂翅歸竄跡荒村伍颺颺華門晝掩闥無人  
凍雀啁啾集枯柳有客何來不棄余排闥大呼呼諸舅  
出示乃翁授經畧索我題詩居客右君家文采舊清門  
角里街頭啟高牖紅牙碧牙三萬籤世世寶如圭瓚  
其中經訓乃菑畬聖喆所貽賢所守以之栽植芝與蘭  
森然庭樹挺瓊玖凭案敦敦手授之日誦萬遍沫流口  
學箕之子弓必良一發早已勝其耦始知錫類穎封人  
爭車乃能挾輶走况復生子又生孫衮師秀美眞無偶  
大鳳喈喈小鳳吟前者唱于後者喁從茲繼繼亦承承



椒衍瓜綿長且久嗟余獨學寡所聞空被東方笑宴數  
鼓唇莫恃舌猶存披腹休矜心可嘔干聖之文目未窺  
扣槃捫燭如矇瞍誰能爲我析其疑去魚之乙去鱉醜  
典型喜有老成人豈惟吾師亦吾友逝將躡屩從之游  
發曹倉兮傾曹斗

鄭尙麟

悅山

六籍炳日星彝訓垂大義漢儒抱殘缺授受有遺契興  
衆導源流向歆討同異著述成一家微言賴不墜先生  
富經術百城供肆志滾滾口懸河便便腹作笥豈徒侈  
教子圖題辭

五

迎旭齋

博洽而還得妙詣曩從令子譚紛綸出精意遑云偏師  
攻甘作三舍避昨歲登華堂文孫拱而侍嶄然見頭角  
識是青雲器始知鯉庭趨淵源厥有自今夕展斯圖令  
我發深喟三代共一堂托以千秋事緬惟儒服衰不復  
搜金匱但求工帖括便足博聲利豈知秦漢來寶此良  
匪易賤子少失學藝圃蕪不治津涯浩莫窮鹵莽深自  
媿何時載一壺亟問雲亭字

陸天錫

畏蒼

汲古資脩綆傳家勝滿籬雲山如二酉風月自雙清邾



下芝蘭秀華間金石聲鴻都佇新論早晚賁干旌

朱 坤

蔚園

歆向讐經後熊熊七畧篇石倉充卷軸泰宇肆鑽研叢  
桂宜春發德星潁水連課餘他日記致用更誰先

盧文昭

紹弓

花發春風滿一庭年時清課手遺經鴛湖草碧人如織  
蠹簡燈青我獨醒樂事不妨兒輩覺書聲尤愛老來聽  
嗟予詩禮渾拋棄慚愧先生座右銘

光緒癸未孟冬吾友曹君季襄出示先世授經教子

教子圖題辭

六

迎旭齋

圖屬錄諸名公題辭以付剞劂展觀是圖係乾隆戊  
午冬狄君充有爲 嶼過先生與其子若孫而作也  
圖中佳坐繩床口授指畫者君之太高祖也執經侍  
立承上啟下者君之高王父也頭角崢嶸以手授書  
者君之曾祖父也三世家學一堂授受竊謂 重熙

累洽之盛與君家經籍之傳何幸於百卅年後展卷  
得之錄竟謹誌數語於後同里弟李宗庚書時同官

粵右



淝湖漁隱圖題辭

諸錦

襄七

宿雁起長空江水江天無極捲卻絲綸閒倚看四鄰寂  
寂一編叢話自携刪漁隱此中覓隨手亂翻紙落聽  
蕭蕭風荻

調寄好事近

胡天游

稚威

短蓑射鴨閒呼伴野艇眠鳧不計春醉向煙中然楚竹  
嬾從花裏覓秦人

拍水吳天卵色青菰蒲深處無餘聲時見船頭貼沙觜  
漁隱圖題辭

一

迎旭齋

微風欲亂紅蜻蜓

魚尾霞斑浸渺茫移篙何處好鳴榔不知風浪須臾起  
多少沙雛戀夕陽

權破前灘岸影遙春來湖水自通潮應垂獨覩連千尺  
那羨明珠得緯蕭

白雪飛殘蘆荻秋鱸香亭畔漫夷猶生平我亦垂綸手  
堪付乾坤一釣舟

周大樞

元木

獨坐忘機叟向湖頭詩成招隱撚髭搔首見說江風掀



大舫浪結千重翠，阜又何用黃金繫。肘且撥荻蘆，尋釣  
碣但垂竿，得失夫何有。似攜艇武陵口，潺湲流水鳴  
瓊玖。儘條條岸旁綠，徧貫魚。楊柳五兩微風吹，靜夜幾  
點疎星在。留魁壘甚，試澆杯酒煙。雨樓前橫，摩笛問渠  
儂。定是神仙否，舞棹去笑搖手。  
寄調賀新涼

王又曾

穀原

蓋頭筍皮笠，穩著體。荷葉衣輕，眠底桃花水。暖意中北  
固山橫。

白鷺鷥飛冷港，紅菡萏繞迴汀。但得買將釣艇底，須乞  
漁隱圖題辭。

二

迎旭齋

箇樵青

厲清來

愚園

爲卷胸中虹，長竿挈秋水。渺渺何所思，天際霞橫紫。  
春風吹短櫂，得意悄無言。一蓑煙雨裏，何必問桃源。

錢載

壺尊

白苧橋邊水，連天浸一柴。花飛篠竿出，月黑拏音迴。  
前村繭山採，後舍溝車戽。老夫亦何心，晷影斜陽樹。

鄭江

筠谷

樵隱在深山，人禽或同巢。農隱自食力，辛苦鉏黃茅。讀



書殿六籍不能免訾訾豈若漁隱樂激湖寧長菱琉璃  
碧千頃視之若堂坳五兵用又藉百結沈鼠巢慘澹手  
自編板瓦手自敲絕流看戢晉得隼羣謹呶烹鮮不及  
賓錦鱗紛在包縷切作鯖鱉薑桂劑燔炮屢餘付酒媼  
醅醪不待酸欸乃諧韶護大樂非弦匏遠希天隨子置  
身蟲上爻

陳 皋

對鷗

晚風吹皺吠琉璃斜日一竿携卻笑鴟巨煙艇多了挾  
西施 塵外事手中絲有鷗知馬場湖上會景亭前來  
漁隱圖題辭

三

迎旭齋

往無期

調訴衷情

胡睿烈

調漁家傲

放崔洲前橫雁影煮茶亭畔西風醒湖色淺深看不定  
孤懷迴清霜一櫂蒹葭冷 明月滿灘誰管領舊盟時  
與鷗鳬訂斲就煙竿長過頂垂絲靜浩譌喝破雲千頃

周長發

石帆

水漲桃花紅灼灼煙浮楊柳青冥冥一聲銅斗山水綠  
蘆中欸乃來漁舫我聞高人老醉里澎湖卜築棲東涇  
圖史縱橫羅左右酸鹹嗜好殊羶腥瘦若老杉尙突兀



澹如秋蝶還踈踈世事齷齪甫入耳雙荷獸卷不樂聽  
閒鈔種樹書一局小沽釀梨酒十經鴛鴦晴湖菰蔣滿  
煙雨古樓杖履停逃禪或尋白足衲消夏更縛黃茆亭  
煙波尙復有餘興答簪挂艤游寒汀中貯書畫後茶具  
何妨鼓枻仍伶仃在昔釣師亦最夥釣名殊覺勞吾形  
渭濱投竿年已耄非熊一夢歸周廷富春羊裘披五月  
猶嫌加腹煩占星淮陰少年苦寒餓袖胎鐘室罹嚴刑  
稍貪芳餌卽網取那能浩蕩同滄溟厥後志和歌篲笠  
鰕魚春水聲泠泠下及鴻漸與桑苧風流高隱眞開淳  
漁隱圖題辭

四

迎旭齋

翳彼釣鼇有公子紛紛陽鱈同浮萍蝦籠鱗鱗釣名藪  
數傳凋落如階蓂我翁託意固有在珊瑚六尺臨清榮  
扁舟一出叢葦岸嘆手杜若搴芳馨鐵笛道人儼標格  
玉山佳處留典型有時名園步簾簾有時仙曲歌瓏玲  
留賓或醉梧竹徑讀書或近煙蘿屏偶爾放舟入洲渚  
翛然蹤跡非飄零拍拍春波飛鳬鷺瀾瀾秋水浮蜻蜒  
箇中大好携妻子物外還得延年齡我與快壻有神契  
驚渠走筆駢風霆一幀清圖索題句冰清因識長惺惺  
笑予黃塵側烏帽疲驢出入誰使令道士莊前柳枯厖



湖中一鏡空青瑩閒卻釣絲亂蓬蒿徒負猿鶴虛山靈  
何時坐翁釣船尾拂衣松桂棲林垌

朱 啓

物外衣冠蓑笠多扁舟日夕弄煙波沿溪幾夜菰蒲雨  
紅藕花殘白雁過

我亦明湖舊釣師鵲華山下有漁磯年來留滯津門老  
孤負臨流白板扉

余懋檣

我執綸竿四十年祇今歸夢落漁船乃翁把釣來湖上  
漁隱圖題辭

五

迎旭齋

愛倩携圖到海邊一派蒼葭風瑟瑟九秋紅樹月娟娟  
高人只羨羊裘子南望嘉禾獨惘然

劉 藻

蘇邨

筆床茶竈千般蟬舍漁庄數畝人稱江上丈人自比煙  
波釣叟

秋水蒹葭渺渺煙蓑雨笠蕭蕭莫問南溟北海長空隨  
處逍遙

劉文煊

雪柯

葭莢綠始深舟行乍生澁根依沙石寒葉颭波紋濕晴



鷗沒不見秋螢亂飛入持竿風自來靜聽溪聲急

帥家相

璞山

戚戚有所感釣名市朝間平生江湖心不得一日閒榮  
辱苟一視齊物諒可攀緬想圖中人煙水秋潺湲

程盛修

練江

夕陽下西嶺煙中棹歌發想見投竿時吟弄湖心月  
湖光遠浸山秋風渺鷗鷺何當理釣絲蓑袂葦間住

團昇

幽雲生江潭澹月下石壁昔遊記瀟湘煙中隱漁笛泚

漁隱圖題辭

太

迎旭齋

湖況清絕澄波淨如滌風輕趁帆張露冷壓篷滴榔鳴  
眾壑響綸垂四山寂斯人豈闕郎身名老沈溺我讀笠  
澤書高懷了可覲披圖向涼夜秋聲起蘆荻

朱琬

塵纓何處浣寄興得菰蘆高士垂綸意南湖鼓棹圖樓  
橫煙雨翠鷺立鏡天孤菱唱前汀晚娟娟月弄珠

崔

灝晴江

是非放鴨人定屬披裘子但得一竿竹安問魴與鯉生  
涯櫂頭船日日弄煙水



汪 沆 槐塘

簪簪船頭攜箝笩船尾挂將毋師任公餌以五十犢負  
竿笑不膺權入菰蘆盼釣亦自不得得亦自不賣

查爲仁 花影

銀絲魚鱠白蘋洲曾記當年湖上遊今日畫圖重省視  
依然煙雨滿船頭

斷柳殘沙不掩隄秋來尤稱水禽棲羨他月冷蘆花上  
夜夜隨君住碧溪

金 焜 約甫

漁隱圖題辭

七

迎旭齋

一曲滌湖水先生此結廬閉門違俗駕持釣友溪漁鱸  
遣山妻斫芹呼稚子鋤遺風追笠澤幽事續叢書

胡國楷 鏡舫

滌湖湖水如銀灣先生以漁隱其間有時把釣釣莫釣  
不妨設關關常關清溪碧桃武陵口白鷺綠蓑西塞山  
蘆花灘淺舴艋小醉歌未闌風吹還

金文淳 質甫

煙蓑雨笠日隨身小艇江湖署散人一笑臨淵空結網  
更無貪餌上清綸



半篙春水野塘開十里湖光放溜回花雨滿空飛不散  
知君爲說佛名來

陸 秩 抑齋

懶從桃李競芳菲獨向菰蘆問釣磯一棹鴛鴦浮桂艇  
滿湖煙雨到蓑衣陸機最說尊羹美張翰曾思鱸膾肥  
此地春波通笠澤儘教泛宅不須歸

王任湖 具區

家傍鏡湖隄曾將蓑叟攜先生稱小隱淝水結幽棲同  
是葦鄉侶休教釣石迷應須搖兩槳來往浙東西

漁隱圖題辭

八

迎旭齋

錢 琦 璵沙

偷閒聊喜息塵機不羨黃金帶十圍門外煙波三百里  
垂竿好在綠苔磯

白頭尙覺黑絲多賣藥歸來買釣蓑湖上從今風月好  
孤舟常占白鷗波

風月猶能賦遠遊卻歸菴畫弄扁舟秋山斷處望漁浦  
細靄斜陽一片秋

六十餘年慕古人此心惟與白鷗親何由喚得王摩詰  
畫我溪頭把釣緝

集放翁句



杭世駿

堇浦

水鴨呼羣就石梁  
鯨魚驚網入蘋鄉  
平生不信爲漁樂  
只愛船頭五月涼

挈音日落葦間諠  
聞道全家住五湖  
唱徹微雲山抹句  
千金曾聘陸家姑

查學禮

漈湖清且淺風濤不傾險  
漈湖清且明煙月常潏灩  
與過先生老漁叟浮家恰近漈  
湖口菱絲十里隱茅堂  
蘆葉千洲隔松牖持竿在漁潏  
放艇在馬場眼前無俗物  
漁隱圖題辭

九

迎旭齋

沙鳥相迫翔纖塵不起空羣慮  
吟入垂楊最深處  
春庚秋蟀久蕭閒  
歲月悠悠任來去  
君居漈湖側我住水西  
坪水西水雖淨不及漈湖清  
他年買棹江南路來伴先生  
坐釣汀

祝維誥

綠溪

秋風客思滿斜陽  
畫裏煙波認故鄉  
指點釣船來往處  
白鷗紅葉路蒼茫

一經傳子得身閒  
小隱湖南亂荻灣  
魚樂國中魚自樂  
知翁心在水雲間



趙昱 谷林

南涇東浦數相期，憑仗秋風把釣絲。  
江畔悠悠漁計得，一生常羨陸天隨。

畫裏閒身號隱夫，煙波祗合伴鷗鳬。  
知他占斷風光好，蝦菜扁舟戀五湖。

侯嘉繡 蕉蝶

解岳通靈啟雲穴，赤欄橋轉曇華市。  
嵌空雪洞夜呼鳶，戛觸菱塘曉放鴨。  
漁竿嫋嫋秋水肥，誰其隱者鉤落衣。  
青翰黃頭兀不見，湖山自在忘世機。  
六十年前從宦初，漁隱圖題辭

十

迎旭齋

巾峯霽幘煙雨疎，戍樓落月大江白。  
先人隱亦歸敝廬，康熙初年崑泉太世伯秉鐸臨庠翁。  
從宦遊方十齡家，伯叔皆門下士也。誰知磊磊鬚眉古。

又向圖中勘舊譜，一聲遂韻響菰蘆。  
蟹舍漁灣認詩主，金陀坊下雲氣鋪。  
西風卷釣當南湖，鴛鴦三十六飛去。

長聽扣月譌烏烏。

滌湖漁隱圖秋君充有爲吾世伯與翁曹先生所繪也己未蚤春見此圖

於汝咸兄廬齋漫題其後

張敬業 日乾

湖上放船好煙雨，暗孤蓬把釣波心。  
上下一葉趁輕風，不數松江蟹舍邨。  
羨魚肥西塞，高臥月明中。  
春花與秋



葉隱映水流紅 綠蓑衣青筇笠傲王公鷺鷥飛起浪  
花清淺漾芙蓉除是礮溪石上還有富春江畔今古共  
高蹤記得浣花語滿地一漁翁

水調歌頭一闕

毛一駒

天選

淝湖煙景勝嚴灘眼底青雲付碧瀾未肯羊裘披澤上  
何從星象應朝端風濤靜處維孤艇蘆荻深中著半竿  
我亦洞庭舊漁者幾時歸釣楚江干

蔣

德

敬持

垂虹亭畔天隨子西塞山前張志和今日畫圖差髣髴  
漁隱圖題辭

十一

迎旭齋

蘆花小艇一漁蓑

十年鞍背更船脣夢到南湖日幾巡長羨先生高隱處  
從來不許問津人

鈕汝騏

釣魚不在魚得魚可忘筌蒹葭秋水好穩下櫂頭船  
羊裘常苦寒北風掃嚴灘中夜客星明一葦秋江外  
東海有大魚乃在淝湖中憑公五十犗飽啖淞西東  
直鉤不受魚小隱聊爾蘆中或有人迴船渡煙水

張學浩

不羣



穩坐扁舟何所戀遊魚隱處飛鴻現脫帽披襟渾不倦  
高人見忘機儘自從心便許大乾坤誰與伴蘆花如  
雪波如練把卷收綸香似篆真堪羨磻溪光景淝湖面  
右調漁家傲

張爲修

碧水青山秀可餐扁舟一葉任盤桓放懷那覺波濤惡  
著腳元知天地寬長喜湖光涵日月不教塵土惹衣冠  
桃花浪裏魚鱗躍擬爲先生理釣竿

鄭尙麟

漁隱圖題辭

三

迎旭齋

洲邊放鶴欄邊射鴨好泛煙波釣艇輕風百摺碧玻瓈  
有無數游鱗唼影柳塘蘸月蘆塘颭雪波底夕陽紅  
冷由他溟海掣鯨魚問何似南湖浪穩

右調鵲橋仙

朱坤

憶罷垂竿撇棹時欣將凡想繪成詩桐江九鼎真堪繫  
別有經綸寄一絲

陸天錫

風水相遭不繫舟寬鄉聊爾狎閒鷗青山處處桃花岸  
芳草依依杜若洲



鷓鴣鴛鴦正好春征衣何事染緇塵若爲乞得吳生筆  
願作煙波收釣人

張爲儀

青山隱隱水悠悠兩岸蘆花伴釣鉤鴻雁自飛魚自躍  
爐煙輕颺出船頭

趙金簡

詞賦清門雅自娛晚年心跡付鷗鳬任他紅軟塵如海  
不染高人漁隱圖

書卷長留出世緣釣竿隨意拂秋煙漫移細雨斜風棹  
漁隱圖題辭

三

迎旭齋

爲有中流自在船

問安尺素響春鴻鬢點蘆花念轉蓬卻道白雲凝望處  
依然秋水溯洄中

芷岸蘭汀遲莫開鴛鴦飛去爲憐才夜深貪看南湖月  
不覺笑容入鏡來

淝湖漁隱圖者嘉興曹嶼遄先生於乾隆初年倩狄  
君充有取貌傳神因地寫景以自攄其性情者也題  
詠至五十餘家之多半係戊午己未鴻博諸公以先  
生令嗣培亨爲戊午孝廉壻萬光泰爲己未徵士一



撫辰

爲同歲生又同官桂

撫辰

錄之旨

光緒九年小春月黃巖後學邱撫辰敬錄并跋

漁隱圖題辭



十四

迎旭齋



采薇圖  
戊午新秋  
畫于星橋  
圖

名次之與西樓

壽盧又筆

時年七  
十又五





采芝娛親

圖

書應

丙辰秋仲

蘇鄉世長大兄屬題

壽盧劉與權





光緒二十丙子  
仲秋上旬開戲





采菊娛親圖

丙辰仲秋月上浣寫


李義仁先生屬張熊



采菊娛親圖

采菊思親圖

戊午秋月子祥張熊





采菊思親圖

五



丙辰秋初薺薌大兄屬寫采菊娛親圖將徵詩  
名下士以誌北堂之樂未及帀月遽爾萱萎噫  
薺薌性純孝欲承歡而不可得無怪孺慕之思  
益深且切茲持前冊商於余為重寫思親圖以  
報命即請正之  
祥翁題跋以圖冊逼仄附錄於此 咸熙謹誌





采菊思親圖題辭

謹以題贈先後爲序

古橋李曹咸熙薺薺甫編錄

錢泰吉

有序

薺薺大兄於咸豐丙辰之歲屬張君子祥爲寫采菊娛親圖未弔月 母夫人下世戊午七月子祥又爲寫思親圖九月攜示海昌寓舍風木之悲披圖振觸奉題八十字以寄哀思恐薺薺亦不能卒讀也甘泉鄉人拜稿時年六十有八

春暉那可駐一日亦天賜娛親曾幾時卽墮思親淚衰采菊思親圖

老見此圖歷歷童稚事倏過五十年

泰吉十五歲失怙二十五歲失恃

難寫萬端意吁嗟畫裏容猶勝夢中思况君守三徑園

菊未顚頷慨我望舊閭積齡淹異地佳節感重陽牽衣

憶嬉戲

先母誕辰爲九月八日

金衍宗

并序

咸豐己未小春薺薺茂才屬題卽用警石韻鮮民之悲同此感歎詩亦如出一手岱峰時年八十

南陽有菊泉飲之富年歲采菊以娛親慈壽庶可冀母如背樹依子作晨葩侍投懷進一觴愛日眞天賜何期



市月間音容頓隔世寒花晚節留寸草春暉逝悲餘銜  
索啼夢斷牽衣戲拔心卷施枯矢口蓼莪廢俯仰成二  
圖題者同感涕而我遭艱虞風木痛怙恃昨辭薄宦歸  
幸遂幽棲計獨尋釣游區再過定省地蔬煙老圃荒菽  
水重闡棄予昔居袁氏豫順堂二十年空溯倚閭蹤  
終乖誓墓志矧爲節孝兒明發積哀思去秋爲嗣母姚太孺人請旌

母以甲子重  
九日棄養

菊花不須開永墮登高淚

盛時霖 并序

薺薺表阮力學養親知之有素頃出其采菊思親

采菊思親圖

二

圖索題鮮民之感彼此同情爲之憮然者累日茲  
將赴省鄉試爰題短句歸之相慰之餘兼致期望  
也己未秋七月犀林並識時年六六命姪兒慶瑞  
替書

娛親易思親前塵竟如夢一喜復一懼歲月苦倥傯披  
圖觸我悲風木同感慟知能讀父書朝披更夜諷矯矯  
出塵姿清聲起雛鳳努力策修名振翼天門班黃華晚  
節香顯揚慰餘痛苧末屬望眞嚆矢一言中

朱廷珍 朗峰



采采東籬菊高人祇自娛天生仁孝性引與陔蘭俱謂  
堪佐萊綵或可綿桑榆晚節駐清芬笑口博歡愉西風  
一夜至護草萎庭隅愴懷憫憔悴觸目判榮枯音容嗟  
已杳聲歎俊聞瞿蓼我頓卒讀慨念母氏劬纏綿悱惻  
意尺幘憑誰摹瓜期倏更代新穀洊登輪金飈涼秋扇  
玉露竟夕濡黃花感重放白髮悵云徂兀坐儕槁木褰  
芳灑淚珠供養餅疊貯恍惚杖履趨娛親易思親用繪  
前後圖我早失怙恃風木今無殊息影蓬廬陋衰鈍倦  
馳驅孰若君年富壯往赴天衢誓將表岡阡况乃握瑾  
采菊思親圖

三

瑜奮志光泉壤片言願獻芻

沈照燭門

幽香自采伴慈顏歡懌壽觴纔舉小蘗疎花懷袖賸笙  
鶴驚聞霄路雲雁催寒籬蛩吟怨總被西風誤柳陰筵  
在板輿塵香潘御從此闔冷拏帷苔荒封逕難把黃  
金鑄粉本重勞張墨贈寫出無聲詩譜酈液分泉堂紗  
隔幔永憶春暉駐年年秋九瘦枝忍看霜圃

調寄百字令

以上均係己未以前諸鄉老題贈之作

男維城校字



夫境非極危則不悚情以追溯而彌哀是以廢蓼莪之  
詩不忍卒讀感苞栩之集莫或遑居古人詠歌每多悱  
惻我輩遭際恒值坎坷况復道阻烽煙路窮舟楫偵消  
息則虎牙難脫覓生涯則馬首是瞻求死未能舍生無  
益而猶刀環再造寶鏡重圓如吾友寄鄉者斯亦奇矣  
寄鄉生有至性長而能文值椒花介眉之年致萱草樹  
背之意作娛親圖一幅樽開北海藉祝長齡花滿東籬  
將娛晚節豈意板輿未奉蒿里旋歌乍披萊子之衣頓  
改汾陽之經致令庾信撫枯樹以愴懷遂使杜陵顧海  
采菊思親圖

四

棠而罷賦廢書歎息把卷流連乃更名采菊思親圖非  
本志也乙丑秋以是圖示余昔年題者有友五人今日  
見之爲君一序予與寄鄉隸籍鴛渚訂交鷺涇憐同隊  
之寒鴉傷心喬木悵失羣之旅雁極目關河維時君則  
流寓果山而僕已羈棲臯廡矣然而鄭公鄉渺難免黃  
巾董子圖扁莫禁銅馬當花發武陵之日正詩成凝碧  
之時雉旣懼羅魚無漏網回憶蘭陔眷戀萱寢瞻依彭  
澤歸來重陽過後望墓門之松柏風木徒悲思牖下之  
蘋蘩雲祲將替不覺今昔殊觀盛衰異致矣而幸也白



青旋消青衫如故既重生夫馬角詎一例於鴻毛處險  
若夷易危爲坦早知蘇武終必牧羊而歸幾類胥靡幸  
遇脫驂之贖蓋其時有震澤賀君旭堂者力爲解脫云  
今者淵明旋里三徑雖荒溫序還鄉一枝可借父書能  
讀金根辨夫佳兒祖武克繩鐵硯衍爲家學雖使劉蕡  
過夏宋玉悲秋而枝可傲霜孤芳自賞華能招隱晚景  
偏幽未始非遲暮之解人歲寒之知己也僕早歲奔波  
棣花橫折頻年負米椿蔭難追猶幸南陽之水可求北  
堂之春常在亦足譜白華之什稱綠埜之觴至於買田  
采菊思親圖

五

十雙種竹千畝則又菟裘之餘事而非粟里之初衷也  
所冀老當益壯困而後亨佳境漸臻強臺在望未逢楊  
意且甞安酤酒生涯若遇鍾期當長謝寒氈滋味他日  
茅茨洗陋桂杳流芬努力宜先光陰有待則是圖者不  
且入螭頭而價重坳驥尾而名彰也哉是爲序

同治乙丑秋九月

晉卿弟吳世晉呈稿

同郡曹君薺薌介吾友李子長以采菊二圖曰娛親思  
親者見示且徵一言讀其手書蓋君少孤育於母夫人  
沈咸豐丙辰母年六十九君乞張君子祥作圖將以明



年爲親壽而徵詩以傳苦節未月夫人棄養因作後  
圖以志恨余展圖中舊題若錢丈警石金丈岱峰沈君  
燭門皆吾鄉學人其氣節文章足以傳後而象濟際庚  
申之變慈親見背時家鄉陷賊倉卒營葬輾轉行間迄  
無成立痛定思痛無以爲人欲如君能盡禮於其先者  
何可得哉然則往者難追而思貽令名以尊其親乃吾  
與君今日之首務也至於冊中卉木亭宇及張君筆墨  
之工前人詠之詳矣今不復云

同治丙寅仲秋之月秀水楊象濟謹叙

采菊思親圖

六

月里曹氏望族也世守青箱以孝行傳余生也晚俱不  
及見而僅得之耳聞其所及見者惟吾友繼香也繼香  
早失怙賴 母夫人沈教以成立以故事親尤孝春暉  
寸草刻不能忘此采菊娛親圖之所以作也夫菊當眾  
芳搖落之後發葉舒英其榮最久古之祝嘏者往往以  
菊比壽是則繼香之娛其親者其亦隱厲期頤之祝而  
一喜一懼之交迫於中乎圖旣成方徵都人士詩爲明  
年稱觴之慶不逾時謾聞見背蓼莪之感烏能自己大  
孝之慕若將終身嗟嗟娛親不可得結而爲思親矣顧



人當中年以後仕宦妻孥之念日擾於衷較之孩提之  
愛敬不無稍分况形容渺不可追卽春露有感秋霜有  
感過此以往誰復觸景愴懷形諸夢寐而不能釋予與  
繼香訂交已三十年見其生則養沒則喪喪畢則祭盡  
此三道固毫無遺憾嗣於過談歡讌之際每一言及輒  
潛焉出涕則其純孝之根於性者不獨采菊時爲然也  
庚申之劫繼香避居鄉里而是圖未嘗一日離以爲見  
圖如見親也迨寇掠鄉被虜至吳江欲死者再得震澤  
賀君旭堂力勸設謀以出復至避居之所諸物蕩然獨  
采菊思親圖

七

是圖無恙是殆孝思之所感若有鬼神爲之呵護而藉  
以慰繼香之志乎今年夏予客武林繼香郵寄囑題予  
不工詩并不能文而又不能無言爰誌數語爲述是圖  
之顛末云

同治五年中秋月愚小弟李宗庚謹跋於武林厲齋

譚

獻仲脩

庭前菊有芳采以期壽考願言怡吾親顏色同美好喜  
懼一時并馨香永相保

一夕秋霜多馨香忽云萎從茲泣孤根結痛在隱微年



年對黃花爾奚識春暉

張景祁 蘊梅

彼茁者鞠言執我庭百卉淒淒惟爾之馨薄言采之以期壽耆載色載笑宴樂旨酒旨酒孔芳愛日孔長燿燿其華可以做霜傲霜如何忽焉中萎眷言春暉于彼流水彼茁者鞠云其黃矣鮮民之生心畫傷矣終朝采鞠不盈一握歲亦有秋我獨不穀

薛時雨 慰農

庭有護兮咳有蘭愛日孔長兮孤兒侍餐維酈泉之仙

采菊思親圖

八

客兮足以介親壽而歡親顏解一風蕭蕭兮重陽露娟娟

兮爲霜卉木淒淒兮衆芳歇紛總總兮吐幽香解二陟彼

東籬言掇其英匪掇其英以薦爾所生解三陟彼東籬瞻

言南山祝南山之壽兮衣五綵兮斑斕解四菊方華矣降

福嘉矣菊既採矣歲月改矣解五風蕭蕭兮重陽露娟娟

兮爲霜庭護條悴兮咳蘭不芳維酈泉之仙客兮紛總

總兮吐幽香解六陟彼東籬言掇其英維菊有英不見爾

所生解七陟彼東籬瞻言南山維南山兮在望思吾親兮

淚潺湲解八樹欲靜兮風不停子欲養兮親不歆悲春暉



之永逝兮撫寸草而心傾伸孝思以永慕兮痛薦馨之  
無靈九維菊有花兮維親有年繄膳羞之逮養兮與晨  
葩而侔鮮歎蓼莪之廢讀兮覩落英而淒然花開落兮  
永不息思吾親兮無終極

汪鳴皋

洛崖

芳卉名曾壽客誇駐顏常許醉流霞繁英似舊親何在  
不詠黃華詠白華

堂北諉榮介壽辰欲思戲綵永娛親天涯同下皐魚泣  
白首承歡有幾人

采菊思親圖

九

熊丸遺教話當年無限哀辭手一編不共刼灰同化去  
孝思原與石齊堅

三徑荒涼手澤無故園花草滿煙蕪舉帷尙見音容否  
一幅興公哭母圖

鵲血嘸成變徵音西風獵獵慘疏林娛親酒與思親淚  
一樣涓濡在寸心

夢裏光陰畫裏身春暉猶是戀慈親我今亦抱終天恨

幾度披圖益愴神

皐早歲失怙恃本生母  
殉庚申難死事尤烈

張

預

子虞

并跋



菊堂秋深咽風露卷簾寒菊花無數涼蟲抱葉啾唧啼  
中有孤兒淚如注孤兒昔登慈母堂牽衣手執秋花黃  
願言晚節駐顏色延齡祝我春暉長詎意風花變人事  
朝卜親歡暮親逝白髮一去不可留階下繁英爲誰媚  
孤兒飲泣悽悲風歸來僵臥草堂空斑斑血淚灑枝葉  
一時應變鵑花紅荒籬搖落埋秋草惱煞霜華促人老  
尊前色笑更何年有志承歡嗟不早我亦天涯孤露人  
抱書寂寞倍思親壬戌秋流徙越中先君子棄養遺著數十卷倖而獲存抱殘守缺益用  
愴然展圖觸我五年痛墨華淚漬長酸辛君不見陸郎橘  
采菊思親圖

十

孟生竹掩袂悽悽同一哭秋風娛老曾幾人珍重窗前  
數叢菊

薺薌先生事 母夫人以孝聞涼風正秋籬菊叢發

往往升堂采華晉一觴爲親壽咸豐丙辰張君子祥  
爲娛親圖以紀其喜而 母夫人遽逝世君椎膺苦

榻痛益深復爲圖易日思親誌哀也今忽忽十年矣  
歲辛酉壬戌間東南寇盜蜂起繭足出走其堂上衰  
老或殉以死不則倉皇奔徙風雪凍餓僵仆於道路  
者相續迨事定而後貿貿還鄉里則衰墨者大半吁



可痛也君爾時處承平之年雍容色笑而母夫人以純懿之節獲享大年怡然而逝是非植德收福之久其奚以有此以視煙塵瑣尾抱憾淪亡其相去何翅倍蓰然則君何歉焉今君介吾友李君子長出二圖索題挑燈展觀百感振觸既爲古詩一篇復拉雜書其後以誌數年之慨云同治丙寅臘月十二日夜大雪呵凍作於薇署後樂園卽請教正

石中玉

蓮舫

海桑小刼客無家馬角餘生感歲華欲問東籬舊消息  
采菊思親圖

十二

西風開徧戰場花

掩卷低徊一愴神思親同此鮮民生嚴霜飛後啼烏冷  
我亦終天灑涕人

張鳴珂

纓蕙

籬落驚秋早西風苦憶家傷心樹護草愁眼見黃花回  
憶承歡日相看閱歲華寒泉薦秋菊小刼過蟲沙

吳學浚

桐村

西風催嚴霜叢菊發疎幹尋芳約侶游采采東籬畔昔  
人讀蓼莪廢書常三歎從來孝子心孺慕無涯岸觸物



動遐思金英滿地散觀此傲霜姿清絕足珍玩何當擷  
以歸迺並秋醪薦

錢卿澣

漢章

紅羊劫了餘生在張儉已無家幾回鹿鋌瀕危虎口淚  
滿天涯功名未遂顯揚有待君未須嗟髮膚無恙壯  
心未已努力年華

調寄青衫濕

吳大熙

春如

娛親自昔把花栽孝友門庭亦劫灰馬角應能消險阻  
烏私每欲報涓埃吟成枯樹同開府舞到斑衣羨老萊  
采菊思親圖

三

每遇西風頻灑淚故園黃菊不須開

錢繼善

覺民

秋景憶吾廬高堂白髮疎向伊園乞得霜株佳節登高  
常忍淚開笑口進屠蘇

杭人顧氏伊人秋水園種菊盈畝善僑寓武林常於花時折枝

奉母是時均已散亡故云

風木痛中途相逢舊酒徒對湖山愁讀

新圖樹背冶蔕同彷彿魂欲斷願終虛

調寄南樓令

許瑤光

雪門

去年菊花黃高堂秋酒香今年菊花紫宰樹西風起從  
此重陽霜緊天有人悽惻寒香裏深恩罔極借花酌花



落花開失白頭花若有知應抱恨垂垂色變白雲秋至  
誠一片憑誰寄卷簾瘦寫纏綿意寸草何功贊孝思蓼  
莪上接葩經義人題此圖多悲哀我題此圖歡顏開但  
願普天同底豫庶慰孝子錫類懷

吳仰賢

牧騶

秋菊歲歲黃阿嬈在何方昔爲延年花持以侑豆觴今  
成斷腸草涼風滿高堂孤兒不忍採淚落霑衣裳曰予  
昔捧檄一官墮南荒板輿遠莫訝種花慙河陽奄忽痛  
棄養延頸望故鄉咄咄五斗米萬悔那可償星奔阻戎  
采菊思親圖

三

馬視君增慘傷今夕是何夕秋聲起白楊寒花有開落  
感此心徬徨

趙

銘 桐孫

南陽有仙菊采采可延年欲挽春暉駐因之晚節傳奉  
親多美酒供佛且寒泉詎料秋霜下馨香永棄捐

重對黃花發孤兒恨未休黃金難鑄壽白髮迴添愁宰  
樹何年蔭西風昨夜秋寫懷圖畫裏感我涕長流

臧均之

可園

昔年叢菊秋芬芳高堂藹藹奉壺觴今年叢菊秋酸郁



宰樹蕭蕭泣風木，  
落花開年復年。  
延年安得酈水泉，  
卷施心枯蓼莪廢。  
中有孤兒兩行淚，  
東籬寥落寒泉新。  
采菊薦親親不聞，  
誰挽春暉駐寸草。  
霜華滿地促人老，  
卷簾振觸鮮民身。  
我亦終天灑涕人。

查耀乘 香牒

延年僊菊勝陔蘭，  
堂北長留愛日歡。  
一夜西風霜滿徑，  
蟲聲悽惻雁聲寒。

地棘天荆滿眼愁，  
蓼莪廢詠正三秋。  
年年籬菊何心采，  
縱寫圖成莫寫憂。

采菊思親圖

郭照 曉樓

曾聞先生偏愛菊，  
菊種滿庭娛親福。  
欲移菊壽壽雙親，  
一枝采獻千秋祝。  
今朝追念繪斯圖，  
昔日歡情何可復。  
勸君此後廣栽花，  
好花如在雙親目。

許鼐和 霽樓

萱草樹北堂，  
欲親憂漸忘。  
更采菊花黃，  
頌親壽而康。  
人生百年保無常，  
預開圖畫稱堯觴。  
無端鐵馬起倉皇，  
門庭一炬幻滄桑。  
多年奔走老風霜，  
甲洗天河歸故鄉。  
回思娛親親已亡，  
撫育顧復報未償。  
終日思親悲且傷，  
觸



目東籬更斷腸對茲秋花泣數行西風背手悵斜陽

盛元音

桂村

昔年花裏娛親壽今日花開不見親三徑西風兩行淚  
料知花也和酸辛  
半籬疎冷一松孤錯誤莪蒿繪入圖我亦依依銜寸草  
霜高怕聽樹啼烏

張程典

穆安

昔圖作娛親笑言習趨侍今忽改思親瞻仰增涕泗黃  
華逐年開二人竟遐棄草木本無情歡戚互變易負手  
采菊思親圖

五

嚮東籬霜英不忍餌非關嗜好存觸物動心志而况離  
亂餘田園盡廢置當年莪菊塋荆榛雜棘刺同此鮮民  
生命題易酸鼻披圖見君情掩圖墮吾淚風雨冷若秋  
有懷不成寐

張程式

俯安

匪采其蘭言采其菊白髮紅羊傷心慘目不孝有生爲  
仁無祿同此永言悲哉風木

陶玉珂

子佩

讀書未答聖明知手澤何堪觸慕思春草有心還報得



秋花無處不淒其  
我蒿曾灑門牆涕  
桑梓空增里黨悲  
知是采蘭遺意在  
幾人能作補亡詩

北堂孫草澗

次公

菊英可餐色比乎  
萊綵之嫋嫋菊華  
可釀味醑乎春酒

之演漾

解一

采菊叢叢把之欲  
傍護花紅采菊盈  
盈持之

來就北堂陰

解二

盍移此菊瑤臺側  
海屋添籌烏能測  
盍

濯此菊昆池傍  
羲和駐景莫可量

解三

載頌岡陵篇長願

母壽高山安重譯  
蓼莪什尤恐母壽  
松枝折

解四

無端獵

獵西風吹吹送寒  
威逼東籬東籬之  
菊漸離披思我母

采菊思親圖

夫

氏心悽悽

解五

今歲菊又開欲見  
母顏從何來母顏  
祇在

遺掛上如何不令  
人悲哀

解六

兒年未五十思母  
容悴母

可識兒容肥瘦兒  
不知母在九京應  
鑒之

解七

攜菊供堂

前再拜告語致重  
泉夢中常得侍母  
右見菊如見母歡

然

沈梓

北山

北堂護草祝長年  
坐對春暉倍藹然  
何意秋風吟晚節

一朝廢作蓼莪篇

多君純孝自天生  
畫裏思親淚欲傾  
叢菊年年開滿地



萊衣猶記笑啼聲

莫須展卷黯傷神孝子心懷寸草春好事真堪泉下慰  
文孫已是采芹人

錢卿鉢

伯聲

露英霜蒂幾叢深一樣秋光兩樣心延壽昔虞華黍什  
茹悲今廢蓼莪吟籬東花瘦催人老堂北萱凋賸夢尋  
我亦終天抱長恨西風宰樹淚沾襟

惲思贊

竹坡

有序

薺薺賢友投贄之初出娛親思親圖冊見示肅容

采菊思親圖

七

展對摯性盎流此見芬藻結於天葩砥礪根於太  
璞得人之慶詎惟私幸爲題兩律以識厚期

秋圃黃花節春暉寸草心那堪霜露變長廢蓼莪吟逝  
水流光迅終天抱恨深丹青應不朽劫火漫相侵  
鳴鹿聲方應臯魚泣未忘此材宜特達好我見周行畫  
荻徽音遠探花苑路長由來忠孝合豈獨表瀧岡

成明郁

慈江

東風吹萍作一處依紅泛綠團飛絮小人有母隔重泉  
升斗未卜瓶罍遽薺薺識我古蒼梧惻然示我采菊圖



捧盤薦甘博色笑豈知一瞬清秋徂秋風撼摧庭樹  
倚間人去秋如故遂令莪蒿一片心化作兩般喜更懼  
前圖繾綣慈顏和金英碎翦清芬多後圖白酒催黃菊  
見花不採花如何梅里之傍胥山趾歲歲花開應如是  
看君錫類便通靈蔚矣門閭鬱喬梓

歐陽儀

鳳威

并跋

東籬菊繁英燦爛香盈掬北堂萱寸草春暉罔極恩風  
光佳節宜重九酈泉合釀延年酒金盞酒熟菊初黃賓  
朋競上慈闈壽冉冉桑榆歲華急淒淒萱砌繁霜集宰  
采菊思親圖

六

樹淒涼入夜哀東籬獨抱寒枝泣還君此圖三歎咨感  
君錫類重吁嘻高堂鶴髮影垂垂倚閭望子空懷思胡  
不插菊滿頭歸長侍色笑親庭幃風塵碌碌徒爾爲嗚  
呼風塵碌碌眞何爲

僕瀾跡風塵眴餘十稔白雲親舍思之黯然覽君

此圖喜懼交迫率題長句兼寓鄙懷撫卷流連殊不  
暇計其工拙也

乙亥七月題於鴛江之寄苔花吟館

徐德升

嘯三

幼讀曹娥碑已知生死孝無端喜懼時難藉花寫照幸



君早成名九泉當含笑顯親卽娛親畫圖傳墨妙

披圖望白雲寸草春暉戀採菊與採蘭詩畫難同銜且喜作嫁衣猶是母手線我家紫牡丹庭前色不變

曹季襄孝廉浙中名下士也乙亥春館於蒼梧李子

長明府幕中

政慈

時適權守梧州得親其言論丰采

璞玉渾金粹然儒者因命

兒姪輩

以文就正而受業

焉旣而季襄出娛親思親二圖索題益欽其天性純篤孝思無窮固不僅以采菊東籬寄其孺慕伏讀前圖係作於丙辰仲秋未匝月而遽驚萱萎因念先慈

采菊思親圖

九

棄養亦適當丙辰仲秋之杪今忽忽二十年矣薄宦祿養不逮九泉春露秋霜時深愴慟讀此兩圖益不禁淚涔涔下也生平旣不善詩振觸之餘更不能成句而季襄將以公車北上遄發有期又不能默然無言爰識數語以歸其圖而誌同痛季襄學問深厚此行也卽看春風及第上苑探花行將以思親者榮親而顯親移孝作忠固無異於娛親也季襄勉乎哉

光緒建元乙亥孟冬月望前一日子壽弟王政慈謹

識於鴛江解舍之敬勝堂



附錄采菊思親第二圖

丙辰秋丐同里張丈子祥作采菊娛親圖將徵詩以誌母氏古稀之慶圖成而我母棄養遂弃置焉戊午秋祥翁又爲寫思親圖數年來題者百餘家琳瑯滿目感何可言今年客梧州學士文人咸相過從圖冊已無留墨處亟擬付之梓以廣其傳因念我父捐館於戊戌九月彌留時猶顧母氏指我而言曰吾病不起兒年纔十三汝其善撫之得繼書香守先人典策足矣噫我父見背已三十八年矣我母見背亦二十

采菊思親圖

年而小子熙年屆知非迄無樹立顯揚未遂痛也何

如用乞象九陳君繪第二圖陟岵陟屺風木含悲罔極之恩涓埃未報惟祈諸鉅公不吝珠璣佳章寵錫庶幾我父未竟之志我母堅苦之行均藉紙墨以流傳於私心不無稍慰客途岑寂思念彌殷追溯劬勞并誌歲月時

光緒紀元孟秋之月嘉興曹咸熙季襄甫敬識

呂賡治小滄并書首

涼風起天末秋色有餘黃言念草堂上年年菊酒香清



芬渺何許愛日苦難長余亦煢煢者多君善自強

陳瀛藻 象九 并畫圖

采菊爲延年親年不我待同深岵岵悲伸紙淚痕在

許懿林 粵樵

畫圖送繪性情真繪罷娛親繪憶親全借寒香申永慕  
要知孝子定詩人風多易下皐魚泣秋晚何傷靖節貧  
依舊望雲思一見丹青於此費傳神

唐炳森 松崖

惆悵西風對落霞畫圖重繪又黃花籬邊舊有先生宅

采菊思親圖

二

鄴下相傳處士家詩禮本來承世澤 封翁著有詩禮質疑 栢棧空

自感年華 先生自識 太孺人棄養已二十年矣 孝思描得南陔出春露

秋霜正靡涯

許慶慈 鹿蓀

百年幾度黃華節今又黃華親在無遺澤尙留香草集

尊甫肖巖學博所著有香草堂詩文集 初心原作壽萱圖 初有采菊娛親圖君爲尊堂沈

太孺人 祝嘏作吟邊籬落秋光淡夢裏松楸夜月孤展卷定增

游子意與君風雨話蒼梧

許善章 明叔



階前垂垂數叢菊高堂喜蔭雙喬木有情天地不長春  
無意秋光仍入目淵明三徑萊子衣稱觴風景猶依稀  
獨憐花意如人意不戀西風戀落暉

陳

璫六笙

我聞北堂謾融融笑語春風喧又聞南陔蘭采采淚血  
秋霜寒春去秋來心如織事生事死心如一曹君不匱  
有孝思此心惟有黃花知黃花開遍東西圃花枝折當  
萊衣舞黃花落盡露霜零花香暗襲麻衣輕憐君心事  
廿年拂寶劍埋光螻蟠屈寸草欲報三春暉欲報未報  
采菊思親圖

三

心鬱鬱痛傷廢讀蓼莪詩悽惻補詠白華辭遺澤摩挲

香草集

封翁肖巖先生著  
有香草堂詩文集

陟屺瞻望風木悲黯然又繪

生綃幅一圖二圖繪不足

予題係第二圖矣

已無堂上白頭人

重陽孤負東籬菊老天慳許晚香留我亦披圖思鞠育

君今作吏新恩沐賢父母兮桑梓福

君以知縣  
分發粵西

顯揚博

得五花封同欲養親親不祿吁嗟乎同欲養親親不祿

白雲望斷秋風哭

王亦曾

鶴琴

萊衣著得倍欣然歲歲稱觴九月天依舊疎籬好秋色



不堪重過北堂前

披圖不覺淚盈襟似我終天恨更深烽火四圍湯藥斷

霜團茆屋夜沈沈

庚申避寇月里偃先慈棄養時一切草草至今抱恨無以自容

張師仲

孝伯

攜李西風急圖開秋色新那堪菊在手更使淚沾巾老  
圃黃花節高堂白髮親寒霜催九月觸緒最酸辛

廢讀蓼莪句烏私願總牽秋風菊砦雨霜月桂林天作  
宦八千里思親二十年知君酬罔極藻繪載吟邊

周克塽

幼安

采菊思親圖

四

一片白雲起東籬黃菊秋思親親不見寒花空自留况  
復別家遠南天作宦游鷄黍難逮養蓼莪徒生愁感此  
結中腸揮素攄君憂從古黃花發晚節香始浮願君琴  
堂蹟傲霜骨更遒胸次擬淵明花栽彭澤稠攜此鬱林  
石載入孝廉舟馨香日以遠親志日以酬焚香拜此圖  
孝思愈輯柔春風溯蘭陔夜月奠松楸天地有終古哀  
慕無盡頭請看腸九迴離江曲曲流

黃緒祖

澹巖

并跋

秋菊遍籬根采英作春酒醺酒祝春暉長共黃花久一



夜北風來折枝空在手傷哉寸草心音容復何有含痛  
繪此圖中腸亂如剖念此已愴懷展卷重疾首陟岵動  
我思卅年苦奔走舌耨奉萱幃饘粥僅餬口欲博高堂  
歡微祿謀升斗馳逐二十春故吾仍株守忽抱風木悲  
零涕對空牖捧檄不見親一官將奚取曹君信古人寫  
圖置座右爲問罔極恩菊花曾憶否讀詩廢蓼莪登高  
避重九摩挲不忍觀遺恨千秋後竊喜傲骨多不負東  
籬友願同勵清堅藉以酬高厚留看晚節香茲圖當不  
朽

采菊思親圖

五

緒十七歲失怙後閱十六年先慈亦棄養奉事既缺  
又不能博一第爲庭幃歡迫微幸成名而二親弗獲  
見矣每一念及時切椎心辛巳冬需次粵西曹君季  
襄以采菊思親圖見示并囑題句緒素不工詩特觸  
目動情不禁感痛率成數行以當歌泣詞之工拙不  
暇計焉

謝湘如

清之

并跋

九日承歡憶昔時霜華今染鬢邊絲北堂闕寂西風冷  
忍見黃花發故枝



湘幼而廢學壯不如人吟詠一事藏拙久矣矧抗塵  
走俗適值公私交迫之時耶乃季襄先生出示圖冊  
索題甚殷重違其命勉成二十八字巴人下里知不  
免貽笑方家嘻季襄之形吾拙也時辛巳小寒節

蔣澤春

燕齋

采得延年菊高堂壽老親豈知剛一掬莫駐古千春釀  
酒虛稱祝餐英倍愴神孝思無處達聊倩畫圖陳  
同抱終天恨披晷淚滿襟清香人共遠瘦影日初沉易  
寫思親念難求愛子心秋容增孺慕惆悵白雲深

采菊思親圖

六

每到秋時節拈花百感生蕭蕭風木冷簌簌露華清盈  
把臯魚淚重開杜甫情南山同北岬繚繞夢魂驚  
叢菊年年綻萱彫劇可哀忍看紅粉墜空望白衣來色  
笑憑誰博風霜逐序催東籬應識意從此不須開

范

梁

楣孫

并跋

覽君思親圖增我思親淚我年二十二歲在庚寅次孟  
秋月之朔我母竟見棄不待菊花開已慟靈護萎我母  
持家苦晨起夜少寐勤儉出至性自奉常蔬食延師教  
兒讀供給無不備僕媼二三人體恤無不至祖姑尚在



堂甘旨必親侍戚族播賢聲眾口稱無二心血日以耗  
病體竟不治祿養已無及遑問娛親志哀哉甲寅歲又  
失大椿底忽忽四十年蓼莪痛相繼抱此終天恨何有  
容身地一字當一哭知君亦無異

季襄兄出采菊思親圖見示不忍卒讀率呈俚句愧  
不成章益深風木之悲矣辛巳嘉平月識於興安陡  
河舟次時年七十有四

沈寶興

松崖

父兮母兮陟岵陟屺哀哉少孤

封公著有詩禮質疑香草堂詩文等集戊戌見

采菊思親圖

七

背公纔十有三齡唯母迪子

遵父義方

封公易簣時以繼書香守典策相囑

令子克昌

公登賢書仕西粵品學政事名

噪一

課餘蒔菊

初繪娛親圖祝太夫人古稀之慶

祝母壽康

黃菊離離白雲渺渺

繪就娛親圖將匝月太夫人即仙逝

不匱孝思

此思親圖

所由再繪也

悲同烏鳥

天行四時修短有期

雙親謝世前後相距十九載

光前裕後永言孝

思

汪肇先

香圃

已降中天九月霜侵晨採菊泣籬旁知君淚落傷心處



忍誦蓼莪第四章

年年菊盞手中持爲祝親齡進一卮今日倚門人不見  
何堪重對故園枝

采菊思親圖

八

何堪重對故園枝

年年菊盞手中持爲祝親齡進一卮今日

何堪重對故園枝



03589



